

爾雅義疏

冊二

實  
理  
義  
學

三

爾雅郭注義疏上之又一

棲霞郝懿行學

儼恪祗翼謹恭欽寅燠敬也

儼然敬貌書曰夙夜惟寅詩曰我孔熯矣謹未詳

釋名云敬警也恆自肅警也謚法云夙夜警戒曰敬文選東京賦薛綜注敬宜也敬訓宜者上文云宜事也補亡詩注引蒼頡篇曰宜得其所也是皆敬訓宜之義通作儼詩既敬既戒周禮夏官序官注引作既儼既戒儼者詩碩大且儼曲禮云儼若思毛鄭並云儼矜莊貌離騷云湯禹儼而求合今文選思玄賦云僕夫儼其正策兮王逸注及舊注並云儼敬也通作嚴詩柏舟傳及論語子張篇釋文並云儼本或作嚴按釋名云嚴儼也儼然人憚之也是儼嚴聲義同恪者憲之或體也說文憲敬也引春秋傳曰以陳備三憲通作恪詩執事有恪周語云俾莫不任肅純恪也又通作恪魯峻碑云敬恪恭儉帝堯碑云若不度恪魏修孔子廟碑云追存二代三恪之禮蓋恪即憲之異文恪又恪之省文耳祗者說文云敬也書金縢云罔不祗畏史記魯世家作罔不敬畏費誓云祗復之魯世家作敬復之通作振書曰嚴祗敬六德史記夏紀祗敬作振敬內則云祗見孺子鄭注祗或作振振祗聲相轉也翼者詩有嚴有翼以燕翼子以引以翼毛傳並云翼敬也常武傳云翼翼敬也釋訓云翼翼恭也恭亦敬故詩文王傳云翼翼恭敬蓋兼用詁訓二文也逸周書程典篇云慎下必翼上周語云翼其上也翼皆訓敬通作趨論語云趨進翼如也說文作趨進趨如也又通作翊漢書禮樂志云共翊翊集注共讀曰恭翊翊敬也是翊即翼矣諱者諱之段音也詩克禋克祀毛傳禋敬也本爾雅左氏桓六年傳云

以致其裡祀杜預注裡絜敬也與孫炎義同俱本毛傳為訓也通  
作闇廣雅云闇闇敬也又云豈豈語也一切經音義十二云闇古  
文皆同又通作言玉藻云二爵而言言斯鄭注言言和敬貌是言  
闇裡俱聲義同恭者說文與敬俱訓肅也恭敬義同經與對文則  
少儀云賓客主恭祭祀主敬鄭注恭在貌也而敬又在心若散文  
則敬亦為恭恭亦為敬故謚法云敬事供上曰恭夙夜恭事曰敬  
是二義互相訓也釋名云恭拱也自拱持也亦言供給事人也亦  
二義相兼通作共書愿而恭史記夏紀作愿而共詩匪其止共韓  
詩作匪其止恭經典恭共通者非一舉此二文其餘皆可也又  
通作龔書象恭滔天漢書王尊傳作象龔滔天恭行天之罰梁元  
帝告四方檄云龔行天罰又通作供老子注云非唯恭其乏而已  
釋文恭一作供荀子修身篇云行而供龔楊倞注供恭也皆其證  
也欽者書欽若昊天五帝紀藝文志竝作敬順昊天謚法云威儀  
悉備曰欽書堯典正義引鄭注云敬事節用謂之欽蓋擗節退讓  
與攝以威儀斯皆恭敬之實也寅者寅之段音也說文云寅敬惕  
也漢書集注引書曰寅亮天工敘傳云寅用刑名文選永明九年  
策秀才文云寅奉天命李善注引爾雅曰寅敬也通作寅逸周書  
祭公篇云寅哉寅哉孔晁注寅敬也爨者慙之段音也說文云慙  
敬也本爾雅通作爨詩我孔爨矣毛傳爨敬也說文亦引此句而  
云爨乾兒爨無敬意故徐鍇繫傳以漢為慙其說是也蓋難從難  
聲爨从漢省漢又从難省故聲同字通又通作難禮儒行云儒有  
居處齊難難即慙之省借齊難猶言莊敬鄭注以為齊莊可畏難  
也似失  
之矣

朝旦夙晨峻早也峻亦明也

說文云早晨也从日在甲上案甲木也木之尤高者日在其上是  
早也詩云杲杲出日故日在木上曰杲日在木下曰杳杳冥也杲  
明也杲與早聲義近老子云是謂早服河上公注早先也齊策云  
早救之高誘注早速也按今人謂及早為即速速猶風也風即早  
也通作蚤士相見禮云問日之早晏鄭注古文早作蚤詩四之日  
其蚤王制注作四之日其早又早起孟子書作蚤起皆其證矣朝  
者說文云旦也从𠂔舟聲虞翻易訟注云日在甲上稱朝與說文  
訓早義合鄭注祭義云朝日出時也通作調詩怒如調飢毛傳調  
朝也又通作輶汝墳釋文調張留反又作輶音同說文心部引詩  
正作輶飢又通作輶說文輶讀若朝杜林以為朝旦非是楚辭哀  
郢篇云甲之鼂吾以行王逸注鼂旦也文選上林賦注及漢書注  
竝云鼂古朝字又通作晁漢書景帝紀注晁古朝字文選羽獵賦  
云於是天子乃以陽晁李善注朝晁古字同俱杜林所本也旦者  
說文云明也从日見一上一地也按日出地上曰旦日入地下曰  
昏二者意亦同也詩葛生東門之枌箋板傳竝云旦明也經典或  
言旦明或言旦夕少牢饋食禮云旦明行事鄭注旦明旦日質明  
管子小匡篇云旦昔從事於此尹知章注旦昔猶朝夕也夙者夙  
之俗體也說文云夙早敬也从夙持事雖夕不休早敬者也通作  
夙詩禮內凡言夙夜夙與者非一傳箋及注並云夙早也又通作  
宿說文夙古文作𠂔宿从此故逸周書寤儆篇云戒惟宿孔晁注  
宿古文夙蓋宿有久舊二義又有豫先二義然則久次舊故皆人  
之早也豫期先定皆時之早也又通作肅詩生民箋云夙之言肅  
也蓋夙與速聲義同又肅速上文並訓疾也疾速亦皆為早矣晨  
者說文作晨云早昧爽也从白从辰辰時也辰亦聲夙夕為夙白  
辰為晨皆同意釋名云晨伸也旦而日光復伸見也詩庭燎箋晨  
明也周禮司寤注晨先明也晉語丙之晨注晨早朝也漢書律曆

志引左氏僖五年傳丙之晨作丙子之辰蓋辰即晨耳峻者浚之或體也書夙夜浚明有家史記夏紀作蚤夜翊明有家按翊翌同釋言云翌明也史記訓浚爲翊是翊浚俱訓明後人淺俗見浚訓明因作日旁爰之字以別之梅書僞孔傳訓浚爲頌尤乖雅義此古訓不明之失也浚通作駿

上文云駿速也速即早意

頌埃普戾底止徯待也

書曰徯我后今河北人語亦然普戾底者皆止也止亦相待

說文云待埃也从寺聲案待从寺得聲古讀當祥吏切或直里切今讀徒改切非古音矣知待讀直里切者說文云俯待也俯从待其義與聲亦俱爲待不獨待爲然凡从寺之字讀皆寺聲也待與峙同下文云供峙共具也具謂備具峙既訓具故待亦爲具周語注待猶備也齊策注待猶共也周禮大府外府注並云待猶給也給共備皆爲具是待與侍聲義同之證也知待讀祥吏切者古讀侍侍待皆同聲也老子云萬物恃之而生河上公注恃待也呂覽無義篇云不窮奚待高誘注待恃也義既互訓字亦互通故老子釋文侍河上本作侍呂覽審時篇注云恃或作侍禮雜記注侍或爲侍儀禮士昏禮注云今文侍作侍莊子田子方及漁父篇釋文並云侍或作侍是侍與待聲義同之證也待又通時與持見易釋文及儀禮注然則古讀待不作徒改切明矣頌者說文云待也通作頌士昏禮云某敢不敬頌士喪禮云擯者出告頌鄭注並云頌待也又通作需易彖傳云需頌也莊子大宗師篇云聶許聞之需役釋文引王云需待也是需頌古字通埃者說文云待也通作埃釋文云埃字又作埃詩靜女相鼠著毛傳及儀禮鄭注並云埃待也又通作圮說文埃或从己釋文云埃亦作圮蓋圮即圮字之譌也又通作立鄉射禮及大射儀注並云今文埃爲立又通作待大

射儀注云今文俟作待又通作僊列子楊朱篇殷敬順釋文云俟一本作僊晉者下文云止也釋言云廢也說文云廢一偏下也隸變作替毛鄭亦皆作替而訓廢蓋廢有止義止有待義故又訓待也說文替从白聲白與自同或从曰作替或从𠂔作替魏三體石經書大誥云不敢替作不敢替本於說文也又通作秩或作載少牢饋食禮云勿替引之鄭注古文替爲秩秩或爲載載替聲相近案替今他計切秩直一切載他結切則聲相近轉矣今本儀禮秩作秩字之誤也戾底下文竝云止也戾上文云至也至止聲近止待義同故訓止之字又多訓待替戾底皆是也戾者止之待也聲轉爲客禮大學注戾或爲客客通作遴說文口部引易曰以往客至之待也釋言云底致也致亦至也止者息之待也止訓至也居也處也留也皆休息之義休息亦待之義故禮記檀弓云吉事雖止不怠鄭注止立俟事時也此卽止訓待之意也止通作戴左氏僖五年經云會王世子于首止公羊穀梁作首戴案戴古讀如蓄故與止通矣僊者說文云待也郭引書曰僊我后孟子作僊我后趙岐注僊待也郭云今河北人語亦然者據時驗也今東齊人亦曰僊待又今語謂待爲等等卽待聲之轉也

噉幾裁殆危也

幾猶殆也噉裁未詳

𦵏汽也

謂相摩近

釋名云危既也既既不固之言也說文云危在高而懼也从厃一與檐同自厃止之案厃屋栒也故喪大記云中屋屨危史記魏

世家云厃因上屋騎危鄭注及裴駰集解竝云危棟上也然則危猶畏也高而生懼故女在山下爲安人在屋上爲危危者安之對

也危通作厄見易渙釋文又通作僊見左傳僖廿八年釋文又通作僊見莊子繕性篇釋文皆以聲爲義也噉者說文云危也龍龕

手鑑二引爾雅舊注云嘯事之危也釋文嘯郭音聿述今案嘯通聲同皆兼聿述二音然則嘯之爲言怵也怵以恐懼爲義懼卽危之訓也三蒼云詭譎也廣雅云譎詭也詭與危譎與嘯並以聲爲義也幾者說文云微也殆也从殳从戌戌兵守也殳而兵守者危也詩維其幾矣周語云而王幾頓乎荀子堯問篇云女以魯國驕人幾矣傳注並云幾危也幾又訓微微亦危也故荀子解蔽篇云危微之幾是幾兼危微二義聲轉爲近易中孚釋文幾京作近又轉爲矜詩居以凶矜傳矜危也矜近幾俱以雙聲爲義也戒者與災災同災訓害與危義近經典多通作菑菑與災聲同也釋地云田一歲曰菑郭注初耕地反草爲菑孫注菑音災始殺其草木也是災菑音義同危之爲言以相摩切迫近爲義然則菑从草田是田之危也灾从火是火之危也菑與厠側古書俱相通借厠側皆訓邊也近也則與危之義又同矣災亦爲菑菑亦爲側公羊昭廿五年傳以人爲菑何休注菑今太學辟雍作側字然則菑側聲義同此亦其證也殆者說又云危也禮記大學注及論語包咸注並云殆危也檀弓云夫子殆將病也又云不殆於用殉乎哉鄭注並云殆幾也幾亦近也故詩無小入殆易繫辭云其殆庶幾乎鄭箋及侯果注並云殆近也○譏卽幾也又訓汽者汽近也爾雅蓋卽汽之爲近以明危之亦爲近故復申釋其義也譏从幾聲譏幾巨依巨迄二切玉篇並云危也說文云譏譏也許事之樂也徐鉉以爲說文無譏字當是訛字之誤今案當爲汽字作訛亦誤也說文訛訓止汽訓水涸並从气聲但汽兼涸止二義水涸盡則近於地故汽又訓近也詩汽可小康毛傳汽危也鄭箋汽幾也正義引孫炎曰汽近也不同意爾雅下文云幾近也此云幾汽也知汽卽近矣毛訓汽爲危義猶未顯故鄭申之訓汽爲幾然後知汽幾卽譏汽又知爾雅之譏蓋幾之段借也漢書元帝紀引詩作

迄可小康迄亦汽之段借也幾通作豈孟子云其好惡與人相近也者幾希趙岐注幾豈也荀子大略篇注亦云幾讀爲豈史記黥布傳云幾是乎集解徐廣曰幾一作豈索隱引楚漢春秋作豈是乎是豈幾通幾皆音祈也幾近汽俱雙聲

治肆古故也

治未詳肆古見詩書

肆故今也

肆既爲故又爲今今亦爲故故亦爲今此義相反而兼通者事例在

下而皆見詩

說文云故使爲之也楚辭招魂篇注故古也蓋故有二義訓古者今之對也訓使爲之者以人所有事也爾雅之故亦兼二義知者

招魂篇云樂先故些王逸注故舊也穀梁襄九年傳云故宋也范甯注故猶先也先舊義俱爲古也是皆故訓古之證墨子經上篇

云故所得而後成也卽說文故使爲之之意公羊昭卅一年傳云習乎邾婁之故周語云且無故而料民何休及韋昭注並云故事

也是皆故訓事之證通作固固之爲言猶故也見儀禮禮記注論語云固天縱之將聖論衡知實篇固作故周語云而咨於故實史

記魯世家故作固皆其證也治者值之故也釋名云治值也玉篇云修治也除之除冀二切爾雅之治亦兼二音故釋文治如字施

直吏反治與事聲義近故呂覽論人篇云事心乎自然之塗淮南倣真篇云事其神者神去之高誘注並云事治也事訓治治亦訓

事事卽故字之訓也通作始孟子云始條理也孫奭音義云本亦作治條理也是治始通始訓古也先也先古義俱爲故也肆者陳

之故也肆訓陳陳訓久也舊也舊久義俱爲故也郭云見詩書者詩肆其靖之毛傳肆固也鄭箋固當爲故是也書云肆朕誕以爾

東征漢書翟方進傳作故子大以爾東征肆訓爲遂故書云肆類于上帝肆覲東后史記五帝紀肆俱作遂楚辭天問篇云遂古之

初遂亦肆也肆有申遂之義故亦申事之詞然則經典凡言是故者即肆故也或言是以者即遂以也又言所以者亦是也以也皆申事之詞也肆遂是所俱一聲之轉也古者說文云故也从十口識前言者也玉篇云古久之言也詩逝不古處古訓是式傳並云古故也縣傳又云古言久也久舊亦故也廣雅云古始也始亦治也治亦故也○今者說文云是時也从人从77古文及按今不古也已故爲古及時爲今人會及時之意故云是時也文選南都賦注引蒼頡篇曰今時辭也詩迨其今今傳今急辭也然則今爲急辭即知故爲緩辭矣肆訓故又訓今者肆遂也遂有緩義亦有急義緩義爲故急義爲今也肆亦有緩急二義書皆災肆放肆訓緩也詩是伐是肆肆訓疾也由斯以談凡言是故者舒緩之詞也凡言即今者急疾之詞也字有二義因有二訓然則肆既爲故又爲今無足怪矣詩縣及思齊毛傳並云肆故今也大明及抑鄭箋亦云肆故今也俱故今二字連文郭讀斷開非毛鄭意也所謂故今者即肆今也肆今猶肆古也肆古之聲變爲是故肆今之聲亦變爲斯今詩匪今斯今是也斯今又聲變爲自今詩自今以始是也經典或言迄今或言及今或言至今並字異而義同郭云事例在下者見下文但在存注

惇亶祐篤擊仍牝埤竺腹厚也

頻仍埤益牝輔皆重厚擊然厚貌餘皆見詩書

說文云屬山陵之厚也从聿(胡口切)聿厚也从反高案高从高省所音在上也故易曰公用亨于天子屬从反高所厚在下也故易曰上以厚下安宅然則厚者上益下也易曰損下益上曰損損上益下曰益故厚爲增益之義也至厚莫如地易曰坤厚載物故說文云古文厚作厚从后土后土即地矣厚猶多也又訓重也重且多則大矣故墨子經上篇云厚有所大也通作後見莊子列禦

寇篇釋文案釋名云厚後也有終後也是後厚同又通作后后卽  
屋字之省也惇者說文作惇云厚也書云惇德史記五帝紀作厚  
德禮記內則云惇史鄭注惇史史惇厚是也通作敦詩王事敦我  
由禮云敦善行而不忘樂記云及夫敦樂而無憂毛傳鄭注竝云  
敦厚也賈者藏之厚也說文云多穀也上文云信也誠也誠信與  
惇厚義近周語引詩賈厥心而釋之云賈厚也通作單詩單厥心  
及俾爾單厚毛傳並云單厚也桑柔正義引某氏曰詩云俾爾賈  
厚又通作俾逢天俾怒毛傳俾厚也正義云俾賈音相近義亦同  
釋文云俾本亦作賈左傳正義引樊光曰詩云逢天賈怒又通作  
燁呂覽重己篇云衣不燁熱高誘注燁讀曰賈賈厚也祐者上文  
云福也福與厚義近故一切經音義二引爾雅舊注云祐謂福厚  
也賈子容經篇云祐大福也大與厚義相成也篤者篤之段音也  
說文云管厚也从竹聲讀若篤經典通作篤上文云篤固也固厚  
義近詩椒聊大明皇矣公劉傳箋竝云篤厚也通作毒書天毒降  
災荒殷邦史記宋世家作天篤下災亡殷國擊者上文云固也又  
訓厚者擊之爲言堅也又言腆也腆訓豐滿堅訓密緻皆有厚意  
故又訓厚矣仍者仍之段音也說文云仍厚也通作仍下文云仍  
因也廣雅云仍重也小爾雅云仍再也周語注仍數也漢書注云  
仍頻也俱與厚義近又通作仍釋文仍本或作仍又轉爲仁仁亦  
厚也論語云仍舊貫釋文引鄭注魯讀仍爲仁今從古毗者說文  
作臄或作毗云牛百葉也經典臄毗通用詩福祿臄之毛傳臄厚  
也釋文引韓詩作毗義亦同又通作毗天子是毗毛傳毗厚也鄭  
箋毗輔也輔厚義亦相成也埤者增之厚也說文云埤增也詩政  
事一埤益我毛傳埤厚也通作餽說文云餽益也廣雅云埤益也  
是埤餽通又與毗通詩節南山釋文毗王肅作埤又與埤通鄭語  
注埤益也漢書注埤助也觀禮侯氏埤冕鄭注埤之爲言埤也是

埤裨音義又同矣竺三者說文云厚也从竹聲平輿令薛君碑云構此竺旻通作篤釋文竺字又作篤又通作毒後漢書西域傳云天竺國一名身毒海內經云天毒其人水居郭注天毒卽天竺國是矣腹者與臍同意說文云厚也釋名云腹復也富也復富竝與厚義近詩出入腹我禮月令水澤腹堅傳注竝云腹厚也通作復月令釋文云腹本又作復又通作復水澤腹堅呂覽季冬紀作水澤復高誘注復亦盛也復或作復凍重累也又轉爲阜一切經音義十三引國語賈逵注云阜厚也是阜腹義又同也

載謨食詐僞也

載者言而不信謨者謀而不忠書曰朕不食言

說文云僞詐也从爲聲按僞之言爲也故廣雅云僞爲也荀子性惡篇云人之性惡其善者僞也楊倞注僞爲也矯也矯其本性也凡非天性而人作爲之者皆謂之僞故僞字人旁爲亦會意字也禮曾子問云作僞主以行鄭注僞猶假也然則假之爲言詐也詐之爲言作也作與詐僞與爲古皆通用故釋言云作造爲也詩尚無造毛傳造僞也小子有造傳又云造爲也是爲僞通禮月令云毋或作爲淫巧鄭注今月令作爲爲詐僞是詐亦通作僞亦通爲推此而言左氏成九年傳爲將改立君者定十二年傳子爲不知釋文竝云爲本作僞是皆僞爲通之證也爾雅之僞義亦通爲說者但謂詐僞則失之矣載者下文云行也行亦爲謚法云載事也事亦爲故大宗伯云大賓客則攝而載果鄭注載爲也下文載又訓言故郭云載者言而不信上文謨已訓謀故郭云謨者謀而不忠今按郭說載言謨謀是也其云不忠不信非也何以明之謨之爲言摹也規摹圖畫與作爲義近與詐僞義遠然則載謨爲作爲之爲食詐爲詐僞之僞而亦爲作爲一字皆兼數義爾雅此例甚多僞之通爲蓋無可疑矣食者郭引書湯誓云朕不食言又晉語

云號之會魯人食言文選思玄賦云疾防風之食言韋昭及舊注竝云食僞也左氏僖廿八年傳背惠食言成十六年傳瀆齊盟而食話言法言重黎篇亦云不食其言是經典俱食言連文故湯誓及左傳正義竝引孫炎曰食言之僞也此亦望文生義實則食自訓僞不必因言以見知者逸周書皇門篇云媚夫有邇無遠乃食蓋善夫孔晁注食爲也爲亦僞也書意蓋言佞媚之人以飾詐作僞掩蓋善士又左氏哀元年傳後雖悔之不可食已此食亦當訓爲猶言疾不可爲矣是皆食自訓僞不因言見之證杜注訓食爲消孔傳訓食爲盡俱不合爾雅之詁亦爲妄說矣詐者說文云欺也方言云膠譎詐也淮南俶真篇注巧言爲詐荀子修身篇云匿行曰詐是詐兼言行而言也詐與譎同意譎與僞同聲周禮馮相氏注辯秩南譎漢書王莽傳作以勸南僞是僞譎通故詩沔水及正月箋竝云訛譎也蓋言訛當作譎譎亦僞也造作語言行其詐僞故論語云由之行詐也無臣而爲有臣爲亦僞矣僞所以爲欺故曰吾誰欺欺天乎詩云人之爲言苟亦無信爲亦僞也釋文爲本或作僞正義本卽作僞故云人之詐僞之言又云君能不受僞言則人之僞言者復何所得焉

話猷載行訛言也

詩曰慎爾出話猷者道道亦言也周禮曰作盟詛之載今江東通謂語爲行世以妖言爲訛

釋名云言宣也宣彼此之意也墨子經上篇云言口之利也莊子外物篇云言者所以在意法言問神篇云言心聲也案言語有別故詩公劉傳直言曰言論難曰語禮哀公問注又云言語也周禮家人注亦云言猶語也是言語二字對文則別散則通也易笑言啞啞釋文言亦作語一切經音義六引易作笑語啞啞是言語通矣話者說文作詬云合會善言也从舌聲籀文从會作譌通作話

經典或話言連文故小爾雅及左傳杜預注並云話善也實則善言爲話非話卽爲善故詩板及抑傳並云話善言也此爲話字本義抑傳又云話言古之善言也書立政正義引舍人曰話政之善言也盤庚正義引孫炎曰話善人之言也是皆緣詞生訓非話之本義也猷者下文及釋宮竝云猷道也郭云道亦言者詩東門之池傳言道也終風箋今俗人噫云人道我是皆以道爲言之證也載者郭引周禮詛祝云作盟詛之載辭又司盟云掌盟載之灋鄭注載盟辭也是皆郭義所本但載自訓辭非必盟辭故詩載馳驅傳載辭也左氏定三年傳載祀六百孟子引詩載胥及溺賈逵及趙岐注亦云載辭也詩內如載馳載陽載考載飛箋竝云載之言則也載則聲相轉亦皆語辭也是皆載訓言之證也載又訓行行亦言矣行者與猷同義同訓故釋宮云行道也詩內如行露周行俱訓爲道道亦言也行古讀戶剛切今下庚切釋文郭下孟切注同非也彼行乃言之對非行道之行也訛者譌之段音也說文云譌言也廣雅云譌譌也案譌之言爲也造作語言謹譌動聽謂之譌言通作訛說文引詩民之譌言今汙水及正月竝作民之訛言史記五帝紀云便程南譌今書作平秩南訛又通作訛廣雅云訛言也詩尚寐無訛釋文訛本亦作訛四國是訛釋文訛又作訛爾雅釋文訛字又作訛亦作譌是譌爲正體訛段借訛或體也郭云世以妖言爲訛者西山經云畢方見則其邑有譌火郭注譌亦是也

遘逢遇也

謂相遘遇

遘逢遇遘也

轉復爲相觸遘

遘逢遇遘見也

行而相值卽見

說文云遇逢也釋言云遇偶也釋名云耦遇也二人相對遇也然則遇亦二人相對耦矣遇謂之遭說文云遭遇也亦謂之會穀梁

隱八年傳云不期而會曰遇是也亦謂之合秦策注遇合也遇者說文云遇也書邁厲虐疾通作觀詩亦既觀止毛傳觀遇也又通作葦詩中葦之言釋文葦本又作邁又通作構文選王粲七哀詩云豺虎方邁患李善注邁與構同古字通也又通作迨詩迨邁相遇釋文邁本亦作迨毛傳迨迨不期而會也又通作姒易彖傳及雜卦傳並云姒遇也釋文姒薛云古文作邁鄭同也逢者說文云遇也又云迎逢也方言云逢迎也是逢迎互訓其義則皆爲遇也故楚辭天問篇云逢彼白雉王逸注逢迎也又云而親以逢殆王逸注逢遇也按逢有蓬音今人謂相遇曰逢讀若蓬去聲○選者說文云相遇驚也从𠂔𠂔亦聲案選音五各五故二反說文訓遇驚則音五各爾雅直訓遇則音五故實則二音相轉俱通也選訓驚者通作愕文選西都賦注引字書云愕驚也廣雅同又作𠂔一切經音義五引字書云愕或作𠂔同五各反是也選訓遇者通作選玉篇云選遇也又作迂玉篇云選同迂爾雅釋文亦云選字又作迂同五故反是也又通作晤詩可與晤歌傳晤遇也又通作選釋言云選寤也郭注相于寤又通作寤漢書敘傳云幼寤聖君集注鄧展曰爾雅寤逢遇也又通作午荀子富國篇注午讀爲迂遇也此皆選訓遇之證也楚辭懷沙篇云重華不可選兮王逸注選逢也逢亦遇矣○見者郭云行而相值卽見也值者當也兩人相對相當也邁訓見者字當作觀說文云觀遇見也詩內觀字傳箋並云見也逢訓見者洪範五行傳云是離逢非診鄭注逢見也按今人行而相值謂之逢見不相值謂之未逢見逢亦讀爲逢去聲矣遇訓見者禮檀弓云遇於一哀而出涕又云遇負杖入保者息鄭注並云遇見也曲禮云諸侯未及期相見曰遇大宗伯云冬見曰遇是皆以遇爲見也選訓見者列子黃帝篇云選物而不惜殷敬順釋文選一本作選龍龕手鑑四引爾雅舊注云心不欲見而

見曰選是選訓見也選與晤同可與  
晤歌箋晤猶對也相對亦相值矣

顯昭觀釗觀見也

顯昭明見也逸

書曰釗我周王監瞻臨泣覲相視也

皆謂察

說文云見視也按見有二音視有二義見訓看者音古電切訓示者音胡電切爾雅之見實兼二音釋文但主賢徧一音失之矣視訓瞻也又與示同見詩箋及曲禮士昏禮注然則見之言看也又言觀二古亂切也顯昭皆觀示之義讀賢徧者是也觀觀皆看視之義讀古電者是也郭注亦二義兼矣顯昭上文並云光也光與見義相成顯者古文作𣎵从日中視絲是有光明著見之義故詩天維顯思傳顯見也吳語云不敢顯然布幣行禮韋昭注顯猶公露也蓋公然顯露亦為著見也通作憲上文憲訓法法令亦所以示人也昭者詩文王時邁傳箋竝云昭見也樂記蟄蟲昭蘇鄭注昭曉也曉亦明見之意通作照照與昭同也觀者大宗伯云秋見曰觀按爾雅之觀與周禮異凡見皆稱觀非必朝王非時皆可見不必因秋故書曰觀四岳羣牧又云肆觀觀東后在正月二月閒明觀不必秋矣詩韓侯入觀左氏隱四年傳王觀為可觀皆訓見亦不必秋又貴賤相見皆稱觀故左氏昭十六年傳云宣子私觀於子產華嚴經音義上引珠叢云觀謂就見尊老也是凡見皆稱觀明不獨施於至尊矣釗者上文云勉也方言云遠也皆不訓見郭引逸書曰釗我周王梅書作昭我周王孟子作紹我周王趙岐注以為願見周王孟子所引必書之真古文梅作昭郭作釗蓋皆紹之段借紹有介紹之義與見義近故趙注謂願見周王是紹訓見其義與爾雅合或趙所據爾雅古本作紹舊注以願見為說而趙從之均未可知若從梅書作昭昭已訓見不當重出若從郭引作釗釗無訓見之文必是段借然則爾雅古本竊疑當從孟子作紹

紹訓爲見當依趙注爲說郭本作釗或係聲借之字而郭未詳今  
注疑有缺脫抑或郭引逸書卽本梅書作昭而轉寫者見正文有  
釗字注文因誤作釗矣觀者公羊莊廿四年傳觀者何見也左氏  
傳宗婦觀用幣漢書五行志作宗婦見用幣聘禮有私觀謂賓私  
見也然凡見皆稱觀故左氏昭十九年傳龍不我覲也周語云武  
不可覲又云火朝覲矣觀皆訓見又貴賤相見皆稱觀文選思玄  
賦云覲天皇于瓊宮易云三歲不覲是覲又爲相見之通稱矣○  
見既訓視視亦訓見此見但爲看見之見視亦但爲瞻視之視也  
故說文云視瞻也釋名云視是也察其是非也通作眡說文眡  
俱古文視字周禮食醫云食齊眡春時士昏禮注作食齊視春時  
又通作示周禮卜師云眡高揚火土喪禮注作示高揚火按視亦  
有二音一切經音義二引字詁云視時旨時至二反釋文無音今  
唯取時旨一音亦非也監者鹽之段音說文云鹽視也通作監說  
文臨下也詩何用不監呂覽達鬱篇云王使衛巫監謗者毛傳及  
高誘注竝云監視也方言云監察也節南山釋文引韓詩云監領  
也領臨聲轉其義亦爲視矣瞻者詩傳箋竝云視也說文云臨視  
也通作詹詩魯邦所詹說苑雜言篇作詹侯是瞻左氏莊十七年  
經云齊人執鄭詹公羊作鄭瞻臨者方言云照也詩箋云視也易  
繫辭云如臨父母虞翻注臨見也晉語云臨長晉國者韋昭注臨  
監也監見照其義皆爲視也華嚴經音義上引國語賈逵注臨治  
也臨訓治與監訓領又同矣泣者說文作𣶒云臨也通作泣詩采  
芑傳泣臨也周禮司市及大宗伯注鄭衆竝云泣視也鄉師注鄭  
衆云泣謂臨視也又通作莅士冠禮及文王世子泣皆作莅又通  
作位穀梁僖三年傳泣者位也昭七年傳泣位也周禮肆師注故  
書位爲泣杜子春云泣當爲位書亦或爲位又通作立鄉師司市  
及大宗伯注竝云故書泣作立又鄭衆讀立俱爲泣案𣶒字經典